

5563.8
8031
v.2

詩

好古齋集
二

共
四

BERKELEY
LIBRARY
UNIVERSITY OF
CALIFORNIA

Carpentier

好古詩

上

秋夜

秋夜靜未眠月明空山谷荒村四無鄰水竹雙栖鶴
坐久深省發清冷詩思足明火照深松厨人成夜食
織妻下殘機恠我吟不宿好樂豈無日愛此心事適

失題

秦皇築長城萬里堅如鐵辛苦防北胡自云累世閱
失康蕭牆內函關閉無日但自脩德業休勞百二設
感激土階下羣后朝屈膝

庚子以上

秋懷

且喜炎蒸息
飈驚節序闌
蕭颯涼風至
厭浥清露團
念彼林下士
淒其絺綌寒
莎鷄鳴在野
秋思轉楚酸
圃荒已委蔓
園木日漸乾
天機故如此
白髮禁亦難
前有一樽酒
孤斟詎能歡
待茲東籬菊
為爾強自寬

君善卜築松石園和其韻

風雨長年一
弊廬麻衣草
坐不求餘做
官未必饒耕
食買得溪田
却賣書

其二

松下房櫳接
數廬雲中鷄
犬似秦餘田
園日廣兒孫

長傳得鄰翁種封書

陪李相國

徽之

赴燕

乾隆將於明年正月設千
叟宴我使以年七十人充

送相國要余隨往以親老
辭終不能得。甲辰冬

發程向高陽

揮手謝情愛悲懷安可論
關河四千里從此始傷魂

向鳳山

悠悠征路似萍浮無限青山過
馬頭生憎館下西流水日與行人去不休

留平壤

大同江水碧於苔樓榭參差鏡裏開
黃壚樽俎留人

醉青舫簫鼓載妓回古木蒼然箕子廟層城何處乙
支臺風土縱然稱信美客心隨處轉悠哉

柵門

故國思千里荒山欲二更此絲愁轉亂如燭淚長橫

草河溝

連山關外雪連山夜宿胡姬酒肆間寒天月黑悲笳

簇未過三聲涕淚潛

遼東

千里茫茫大野通行入說我是遼東雲邊對繞青徐
入天際山臨渤海窮古渡猶傳太子水荒林何處郭
隗宮千燒萬戰英雄盡殘柳蕭條落照中

次周主簿

命新遼野韻

路入燕天倍覺寒雪花如席撲沁鞍山形遠自靨平
出野色平吞鞞鞞寬薊封烟籠千點黑瀋城雲捲一
九圍蒼茫疑與鵬程近馬上連旬不了看

白塔堡

九門突兀八門開
勢入浮雲却恐摧
思欲翻然生羽翼
斲時飛上望鄉回

客懷

孤裘縫冷馬蹄穿
為客三旬苦似年
心累無冰寒漸劇
愁城如月夜逾圓
未忘親念常加飯
欲送鄉魂強就眠
此去燕京知近遠
不堪風雪野連天

大凌河途中

去去非鄉國
悠悠向薊州
終年征馬上
幾日大刀頭
問信無京使
留詩上驛樓
北來非報趙
空嘆黑貂裘

望海

東南雲盡碧涵虛，萬里平包海若墟。
孤島誤疑奔渴馬，亂帆看似上游魚。
索三變後還如許，天一生時始有初。
今日誰煩重譯至，颶風鯨浪百年餘。

榆關途中

度關墩亭遠驅馬，日將斜古驛依殘柳。
荒城擁數家有山，皆白草無野不黃沙。
縱使愁禁得，哀笳奈爾何。

灤河途中望見首陽山

二聖當年恥事周，一般清節死難休。
今日輕裘入燕客，青山不敢重回頭。

豐潤途中偶吟

燕京宮花

黃菊開時即別家故園風景近如何可憐雲谷千株
對只有寒梅入夢多

牡丹

偷得寒梅地殘年獨自玉預愁長夏日無面御羣芳

舍伯忌日

十一月十六日

為客深知此日悲天涯心向故園馳遙知今夜諸宗
至祭罷床前說我時

除夜以一年將盡夜萬里未歸人分韻作

五字缺

遠客心非一抱膝寒燈前忘言如有失

歲去思歸切况逢乙巳年北堂應獻壽萬里獨淒然

旅客同愁思杯尊夜相將可憐燈前語俱是說家鄉
年去復年來去來自無盡悠悠人世間不覺老相引
羈旅連三冬傷心最此夜思鄉子緒懷不語淚雙下
悄悄送殘年鄉心不啻萬五更寒館中誰送屠蘇椀
殘燈四五更歸夢三千里如寫此時情青天一張紙
片時寒枕夢能度關山未猶記語家人難分過鴨水
萬里春將至殘年客未歸寄書無驛使猶着在家衣
永夜寒燈下相逢萬里人坐到鷄鳴盡非是守庚申

除夕漫吟

儼鼓鼙聽不眠客心入夜倍淒然非關厭看青春

色却恨侵尋白髮年

豐潤途中

細雨曉來濕輕塵
泥未生春風開路迴
晴日馬蹄輕
鶴下雲橫海人歸
柳擁城漸看新物候
適識遠離情
甕北河途中

平田杳杳對依依
欲問津程野客稀
再度水憐餘板
約曾過店記有松
扉山邊細路何村入
柳外晴川遠
峽歸春色殊方愁
易切不妨關塞少
芳菲

出柵

亂英滄浪百里間
此中道路亦凋顏
缺峒晚見侵雲

缺遠塞春多欲雨山芳草漸生寒食後行人猶著臘
衣還鳳城一出吾鄉近好是明朝渡鴨灣

龍山

檐欄動虛白十里見平湖漁火遠相照水禽時自呼
月高樓影盡潮落魚痕孤忽有扁舟興臨風聽棹謳
西原雨中

苔黏泥滑還宜屐松翠林霏欲墊冠滿郭微濛花似
霧無人解道雨中看

謹次閣中韻

石渠西閣錦川陰竹籀梧埤接上林雲暖朱樓留御

氣松長玉局見仙心鳳毛文藻官曹貴鶴氅清閑地
處深 昭代卽今無一事丞廳亦自日哦吟

西原月夜

黃昏送盡尋芳客獨上西原待月華暮色只應去年
似某溪楊柳某園花

難難曲

笳聲何難難難難復難難非為行路難又非征戍難
上難為君難下難為臣難臣難難責難君難難士難
如知二難難太平不足難

和安和堂韻

安和丈人心事寬安和小堂清且安翰墨萬家落牆
壁丹青十日忘衣冠廣文老去興猶在元亮歸來祿
不干年少誰能入室者時時獨展雲笺看

其二

猶可有容蝸殼寬與他不競鷓鴣枝安門無駟馬乃高
枕案對聖賢方整冠北牖棋槃歌永矢西山邱壑樂
斯千白頭難忘咏歸興畫得帽巖堂上看

杏花

開喜春風善落怨春風惡自無耐久性非關風開落
庸石南軸中韻贈庾虞衡

王母稀族姓同則留心近字不惡龜瞻屋猶愛禽
長沙庾虞衡問氏情先深為人且奇特作文頗雄沈
安知厥祖初支分不尺尋從此視眷戚源源發中襟

木筆花

譜花疏卉欲盈車東俗無稽等魯魚可笑迎春真僭
竊辛夷名字竟歸虛

司戶軒與羅聚之林子道共賦

鈴欄衙散靜無聞板閣朝眠晝欲分
壁榻墨君添素韻床繡字母到黃
曉鶯情慧點常欺雀松氣蒼森不
受雲誰道傷心趨走地臨池日破
綠苔紋

過尹丈壽河墓

尹翁慷慨士忠義天下聞來吊古原上長松疑是君

省中漫吟

今朝忽惆悵昨夜夢秋山錦石猶清胃朱衣却厚顏
舊題尋卷裏餘意寫屏間本欲安耕鑿非求未老閑

九日感懷

九日有名節先君初度時上香秋室靜常餽昔人思
古里黃花在寒風疎封悲依然弟妹集滿眼已携兒
次寮友重陽後省中夜吟韻

惻惻重陽過清霜日漸華尊窺醒後酒菊問採殘花

庾嶺缺柳春
谷性儒雅好
詩棋

高葉搖砧落明河帶鴈斜預知曉來夢應繞玉溪家
拜庾春谷墓

柳下集中曾見傳津寬洞裏屢尋瑩松楸先壠還同
徑草色新年今始行地下尋常姻婭舊人間冷落子
孫情歲時瞻拜長隣近文雅風流起後生

早過鄭衍甫家園因至松石園得春字

苦遲盧照隣還過鄭子真宅憐林是竹行恠巷無人
花繁千家曙蘿蕪小逞春一般紅濕處期至玉溪濱

張氏山林

疎籬從客入芳樹向人傾步院紫苔濕出林斜照明

晚花遙更好春澗淺還清回首深源裏鳥啼空復情
雨後西麓

風雨經宵後繁華逐水歸還如死生際獨過翟公扉
過訊韓而後病

落日下庭院主人行將歸惻惻不成別出門春草菲
出洞又次金氏莊夜宿韻

歸谿始覺入山深第一橋前猶石林共向幽源宿不
返獨愁塵事來相侵溪花淡淡霧中曙谷鳥嚶嚶空
外音採藥看棋定何處白雲紅對杏難尋

金和甫玉溪精舍流頭夜集

辛度

林薄偃風色泉谷含夕晴川光霽忽明華月雲際生
谷禽動深栖磔磔時一鳴時余感冲抱褰裳導溪行
佳侶來命酒屢屬山酌盈乘醺跂素石弄波沿空明
殊賞愜良覲懽言數雅情所欣非絲竹要使心跡清

夜坐

清景如秋淒夜思菜畦涼露數蟲知棗陰卧着白藁
簞憶宿牛溪田舍時

竹夫人

不將脂粉汙蛾青幾度衾裯賦嘒星楊柳微風思卧
簞薰葭涼露廢登亭縱拋簪珥元非警或恐蘧蓀錯

此形豈有舊愁同
息女自無言語
外人聽

鵲奴

寶翎常帶赫蹄書
消息誰家任所如
黃耳慙腸羞與
伍綠衣多口漫成
虛何須橘宅千頭
足堪比柴桑一
力餘來去不隨王
謝燕曲江猶識主
人居

鴈字

冥冥的的不離羣
天末先從數點分
月裏散開飛白
字風前回合惹蘭
文硯泓秋碧三湘
水紙幅天長萬
里雲急就半行皆
筆陣誰言作者寂
無聞

訪王溪幽居

溪日淨輝輝蜻蜓滿
野迳荳花雨人家楊柳灣
東西渡流水期向雲中山
東郊

在澗亭

丹楸摧頽碧蘚封
主人已斷十年蹤
簪纓豈是傳家物
不及孫家世世農

鍊戎臺水亭避暑

崑兀火雲燭四山
萬人如海紅塵間
城中無地可避暑
水上之亭方解顏
森木蟬聲晚蕭颯
斜陽潭影碧灣環
諸天重閣石林暮
乘月還須次第攀

永豐銅礦

白山西北來旁礪起鐵嶺縣連共四郡碁置千里境
永豐積餘氣鬱結而不騁其陰產青銅鼓鑄權所秉
藏命桀黠奴爭趨如市井畚鍤後萬夫子尋開坎窞
曲折架危機縮縮行不僛負出一簣土辛苦九食頃
甯寐燭松肪躑躅垂麻綆歌吹覘髓脈挽掣候動靜
海眼恐陷突雲根妨悍獷旁歧及黃泉若蠕食李杏
往往遭淪塌不預老膏郛膏郛既不死他山且無辜
民生有本業不過務儉省何必橫黃金萬死冀一逞
安得陶勻手日見大奸屏熙熙天地內入入礦自礦

直夜與子道宗浩惠卿共賦

朧朧樹分影冉冉月初移廣陌清光轉層檻夜望遠
遠鴻搖楚思疎髮落秋詩宴坐歌呼絕應無後舍知
院中西鶴一折右脰一傷左翮右脰者忽飛去
不知所在一箇孤栖甚憐之一朝為頑童所逼
左脰又剝傷帶血哀鳴貌甚矜悶為賦短篇

顛顛經新別軒昂減舊奇十顛那復起三折自難醫
碧海相思日孤雲獨望時一為稻粱誤誰與怨離羈

晚吟

閉門初夕月依杖更秋皋暗葉時時墮清砧箇箇高

歸鴻聲一槩
遙夜念同袍
縱有詩情在
蕭騷不敢豪
司戶軒南望

搖落真同老太常
山爐隱几送斜陽
秋雲欲雨無全
白寒樾迎霜不一
黃苑外巢烏官舍
晚橋頭吹葉禁
川涼沈沈不見城
中事萬井浮煙紫
閣長

重陽夜話君善山房

山北烟書屢度飛
日來塵事不勝揮
難將白髮禁愁
得豈有黃花與昨
非樓外鴻聲星落
落樽前人語月
依依茱囊醉飽還
多事只為名辰一
咏歸

冬夜留話內從黃鍾復

外家從弟自忠州消息真傳事事愁相看黯然欲無
語山庭木落雨颼颼

上南山

彭谷歸時遠蠶峯絕處孤中天窺帝座白日壯神都
草樹烟霜晚樓臺氣色殊盪青南紀豁千里散江湖
冬夜

蒼森羣木靜紺滑夜雲微山犬無人吠林鴉向月飛
鄰家寒未宿燈火照相依縹緲三餘計室中問不違
暮思

卯色遙空冷不風寒城餘照夕雲彤相思日日愁搖

落况復荒山古驛中

挽丁茂倫葬祚

北里今朝葬富兒
贏金厩馬子孫資
爭如一介布衣死
鳴却世間千首詩

其二

昂昂不肯受缺轡四十長安一布衣
文章非是塵間物
遽被天公奪得歸

其三

玉澗東流太華清
招招留作草堂靈
應須戀別還來此
遼郭曾歸舊姓丁

林丈人必昌挽

父執於吾黨丈人惟同庚令胤四昆季惠戒如弟兄
以茲猶世好敦義益不輕緬憶唐溪舍攝樞侍南榮
烏几衣裳古遲日琴書清彩毫藤箋白微吟動高情
一揮爛雲錦四韻許俱成績貂敢自韋登龍且若驚
私淑愚園後如入雲臺黌詩禮在故家嫡傳不墮聲
典刑求幽素志業授專精依仰二十載山斗忽頽頹
考樂庶無怛生晚獨抱惻古人不在今今人徒循名
安知後來者舊要守堅貞一哭感歲年餘生鬢華明

慎丈在閭挽

與鬼經旬照漢濱桑君無術救齊民死堪嗟惜皆三
老生贖輕儼可百身循吏舊稱丞相史名家今數益
昌人久從荀座醇醪飲不獨吳郎杵臼親

其二

行必閭閻自厥躬慎家翁似石家翁異時賢輩吾猶
及下里淳風日不同墓對牛鳴先壠近屋舍爲止舊
鄰通經過西巷人誰在一任門前佩鞶童

玉溪

花鳥年年玉澗期白頭漸覺減新詩忽看松石園中
月憶宿楓皋社裡時幽藪送溪穿洞遠閑雲守竹傍

岩遲出門忙悵藤蘿曙此意惟應去後知

西郊

麥芒欲吐隴畦平
槲葉初齊山雉鳴
野老相逢不相識
依依原封送人行

戲贈松石子

玉洞先生無一竒
但將松石傲當時
安能縮地為吾有
立使先生成白癡

官齋雨中

雨集尾官閣雲出青松院
羣木若決籬往往川光見
雖無山水事幽寂且自遣
何如玉堂夕卧對郭熙卷

晚晴玉溪精舍

一行白鳥處南郭遠人家樹色晚相似山光晴更斜
深松照殘日幽逕落崩沙北嶠如聞好欲尋林壑賒

送池司戶海西監屯

延白之西西海東十年耕稼十年豐如何九月山中
雨便作一朝河內凶渺渺啼鴻澤國凍啾啾飢雀暮
倉空從來焚券非無意辭邑黎氓憶老馮

和子道戲贈

子道善吐辭如鋌發大黃落筆數千言指顧窮紙張
據床回眄擲還我意自操戈揮我堂今我已非舊日

我老馬為駒真堪傷
竭鼻折脅不相容
可斬為爾輸一場
少年患卿急難者入座吐氣如霜鋸
坐令子道縮頭哆舌汗流漿

苦雪

丙辰春

玄冥肆餘烈青帝斂驂馳
恐有行藏失能無弭令違
臘三恩未竭滕六勢仍依
梅朔魚融洛昕晡逾曉晞
風驕乘後殿雲疾集先幾
狼藉屯羣獸飄颻拔丈旂
鳴何猜怪鸛鵲或惡川
狶維霰繞飄瞥其零忽皓宣
蹈回旋掩跡掃却輒齊腓
潮馬奔靈胥霓旌導玉妃
地應連冀壤人認著曹衣
袞比庚辰厚徵殊甲子霏

海航輸浙米庭篚實荆璣西嶺界天關藍田通甸畿
鹽增桑且權薪積汲堪歛冰雷森公戟郊堆列射旂
城宜名不夜鳥欲化令威黎首皆耆耄廷紳搃暫頤
素鱗朝天矯白額夜依稀陌騎疑聯駱宮袍惜漬緋
履穿憐老肺塗載怨沁駢鬢棠捐貂帽皮龜撲錦幃
童狂因置穿虞巧用張機囚兔封藏窟欺梅壓小碕
瓦溝饒簋豆藩柵掛梳揮墨沿光全淨湯泉煖更稀
野梢棲棄筵岩戶托窮暈竹卧經冬困禽驚未曙飛
南犹惱猶吹北鴈滯音徽延矚愁濛眊衝過怕瘴癘
山忘真面目對慣質光輝瑞愧傳遠豕高看蔽蜀犂

樵迷前度棧釣失蕙垂磯
踊價妨沽酒佳期阻浴沂
園萌尋韭藥壁蟄見蠪蟻鉤
乙思抽綠蘇昭待就暉
室瑾乖與析村卜錯豐饑
賦憶騁梁調詩嫌涉衛譏
興雖迴刺棹寒孰問表扉
但自憂飢凍何曾辨崇磯
鮫珠襦可得如麪食還非
驢過猶肩聳鷄懸敢腹誅
夕炊歎貴杜早採損香薇
宸念忘壇厦貧居軫布
韋方春聽漢詔開歲近周
圻大有知民樂乾元識
聖希許謨勞丙枕珪幣夙
辛祈星駕凌沿灑雷尊薦
秘翻而師行訊道義馭始
揚轡陰翳期清豁天心在
廓揮新曦升旭旭殘瓦落
微微消入來薌閨流添澮

漁肥九農饒慰滿庶草寵蕃菲自顧忝金省相隨近
瑣闥尋常臨日月造化及螻蟻吉貝包雙段官糧束
十圍一夫豈偏獲八域願同歸會被陽和澤神功頌
蕩巍

偶吟

人皆執熱願逢秋不恨年光去若流到得新涼生几
閣寒蟬碧對奈清愁

曉行沙峴

殘月蒙雲曙未開前登沙峴恹恹雀窺嶺頭雜樹如人
立野外飛霜若雨來客舍鷄鳴相送發山橋樵唱一

時迴紛紛俱是沍途上獨向楸原耿遠懷

臘日雪

三百六句詩揔廢今朝臘雪喚詩生蕭疎何似杏花
白晃朗全勝秋月明兩火一刀閤誰在撒鹽飛絮從
兒評酒邊舊侶俱搖落每逢時節空復情

除夕

大醉屠蘇酒勦勦送五更自知無愧怍何苦患三彭

讀春秋作

萬株佳木四圍栽百畝中庭淨盡埃一自經春人卧
病名花顛倒落青苔

挽青楓麓主人

太華老人青楓麓青楓未老老人歸有時魂返楓林
黑遙夜葉聲秋雨霏蓬島迢迢紫鸞遠松堂寂寂白
蝙蝠飛平生一曲廣陵散除却外孫傳者稀

其二

寒松骨格鶴精神雖在塵間不染塵寥落十年東郭
隱支離一病茂陵身青山故宅竟誰有數對新梅空
自春他日傷心何處是月明鵲哭玉溪濱

次劉讓之韻

落落異時事不為人所憐如今籠鳥日兼向井蛙天

嶽海孤吟外經書未死前低垂親筆硯白髮自年年

次僚友咏筆韻

長短何曾較鶴鳬中書告老髮猶烏齊頭挿架森霜
戟濡尾臨池涉野狐古弔知應身後象辛亥愛似璧
間蛛從來輕銳先衰謝每被陶陳嘆隙駒

寄東莊

羅文奎
聚之宅

椀漿緼火不時求鸞轡通羣便忘頭種得甘瓠墻底
意東西引蔓會相收

其二

東桑西棗影交加數版荒垣限兩家時有唔伊深處

聞不知書牖劇阿那

與池文哉

鬱鬱石上松托根無寸土咫尺舍廣陸如何此辛苦
墳衍豈不美難與持貞固石泐會無日綢繆當歲暮
雨中書事

舊雨訪隣曲今雨好家居晏起廢冠裳點閱室中書
黏糊補綻缺拂塵捕蠹魚餘力整床屏位置何清疎
怡然眎庭木柯葉亦欣舒顧謂機上婦朝餐當何如
餅罌餘祿米且摘園中蔬幽事轉相關外物頗蠲除
自當安陋仄誰復慕渠渠

螢

數點輝輝暝始覩
陌槐含露動更蠶
偶經寒屋窓無
燭韋值秋原草未
鋤幾處青螢迷
鬼燐有時搖動上
松髯縫囊繼晷還
多余照乘何須十二兼

予君善大夫挽

崑頂無惡石瓊林無蠹枝
高門毓貞德內閣標惠儀
刑于既不忒樂只斯匪虧
如何中否艱施報失所宜
遷居遂令子守貧玉溪湄
伊余三世舊過拜造堂惟
賜坐此慶也揣摩觀所為
意將謂此子庶乃益吾兒
自顧乏蒙養何曾有師資
未作升度遊徒為季良知

率身自不周况暇切且憇慢嬉稱曠達浮薄飾文詞
謹奴雜庭戶晝酣還夜期截髮具饋餽負米充英醜
寸慈與方肉醉歐歸殘糜莫如里中子服實養耆耆
市門本非惡穢由鮮鮑滋以茲蓄屏營臨誅抑衷私
不敢蔽賢淑萬漏綴荒辭

與惠卿過宿趙芝園歸後有寄

咫尺長安市先生此隱淪青囊要壽世玉貌不求人
泛瑟星光夕聞蘭露氣春相從阮家飲愈喜仲容親

其二

騷壇多俊逸，經畹最清奇。兄弟稱陳紀，親朋說項斯。
金聲槐院句，繡口杏湖詞。近欲醫民俗，朝朝飲上池。

其三

盧仝才有異，趙壹恨偏多。自比雙南重，吾於二子何。
上天無棄物，中歲劇奔波。勉爾幽燕去，休聽擊筑歌。

豆湖雜咏

巨石伏江門，纍纍羣馬飲。孤舟欲近前，風沫吹清凜。

其二

江屋類巢居，高出江柳上。定為月溪西，年年秋水漲。

其三

漁翁不中襪西日滄江曲獨揭孤篷眠長風吹坦腹

其四

天章先生

漁父烟簑綠沙禽雪髻白何當共爾羣反恐衣冠俗

其五

江叟如江鴨往來豆浦傷白頭小舴艋不識七山洋

流霞亭

樓前綠浪浸霞流岸上桃花落未休萬柳漸侵青草
與孤舟雨入白蘋洲雲潭不改王孫去鷗鷺曾經太
史遊何用漫悲昔人有聊將風景散閑愁

院北

獨來如已有稀過覺情長避笋斜尋逞耽蓮屢遶塘
不知鳴鳥處何限晚林光欣賞隨時節炎涼合雨忘

旱久始小雨口占

烟光舍小雨黯黯來黃燠木葉未全濕土香先已聞
蟬蛩涼意足蚯蚓暮聲殷獨宿竹林舍淋浪聽夜分

趙子翎將之燕贈之

連城趙壁琢磨初求價中州計不踈但恐狂秦無意
償行人誰有蘭相如

曉山

山顛星漢依依落山際烟霏冉冉生大米卷中開墨

畫宣城窓裡坐黎明少焉紅旭層峯變只麼青光疊
嶺橫北嶠空濛猶未曙西邊雲木子規聲

餅花

借得楊枝水非關羯鼓春千紅歸色相一朵到精神
銀燭回看影紗幮護辟塵嬋娟初入室恐見如佳人

扇

五月南邦底貢宜筠青紕素上彤墀 君王扇得薰
風動正是人間解愠時

新晴

林居得雨勝逢晴晴後還如雨裡情不向街泥尋素

主閒聽田水憶淵明籬根晒日蠶絲白松頂當風鶴
鼈輕近夕亭皋涼意足桐陰深處有蟬聲

榴花

積雨花垂盡嬋娟獨海榴偶過先照眼難忘屢回頭
林暝停紅燭苔青落彩毬會看成百子珠玉掌中留
仙人掌

躡蹤過維氏抵掌入甘泉已竭文成術誰延武帝年
六宮如脫屣萬乘學寒蟬撐去青冥上承來沆瀣先
玉凝千片白珠轉萬枚圓盤大披雲月莖高出水蓮
鸞鳴頸遠引鵬浴珠孤褰近蔽長安日遙摩太一天

茂陵含暮景蓬集杳秋烟無計留朝露仍成束手仙

其二

宿留東萊夜公孫舌上仙不思元首起獨念暮齡延
破却中人產鎔來一掌圓亭亭荷柄出落落月輪懸
遙指飛廉觀孤撐沆瀣天羊脂按碎瑣鮫淚掬連聯
毛遂升階日巨靈闢華年三緘賢孰與十視掩無緣
詎此調羹手爭如鼓腹拳空餘雙臂在揮涕魏車前

嚴菊山 啓興挽

長安城裏十萬間日厭梁肉同葵蔬菊山先生家三
口木豆脫粟常無魚雲從街上人如簣遍體綺羅無

廣蜀菊山先生年七十敝縵掩脛猶不帛僞人爲之
重歎息先生一笑視白日仰飲大酌聲汨汨等身齊
齊繞錦箴果腹便便藏繡篇暮年詞賦動聲價清貧
到骨不換錢上接屈宋下李杜汨沒世儒安足數醉
後據案叢長吟巨筆落紙生風雨七言差建瓴四韻
如挹鼓須臾書破百餘幅傲睨四座何侯侯青雲時
復動高興不信頭上髮已素再書宰相一見之三年
始得小褊裨傲骨那堪負弩矣軍旅俎豆兩不知醉
罵幕府坐拳毆丞相子秋風拂衣去蕭蕭江海思東
遊悵悵北沃沮八九氣吞海若壘歲暮歸來閑蓬廬

卑帽繩榻債郵書富春山中歸夢多成都肆裡晚計
賒古人於今骨已霜先生先生竟奈何一朝棄家不
知處世上空傳北汜歌

李知事德涵挽

都門送葬日幾回挽歌嗚嗚盡悲摧揮淚頓足攔道
哭哭者哀死不自哀我今一歌送公行不哀其歿哀
後生雲臺玉溪盛詞林鉅工才子羅秋星爭事光大
紛磊落中有李公如君明清標出羣思不羈綠瞳銀
髮仍玉姿揮塵騁談落瑠屑四座寂然皆朶頤眼前
有子子有孫箇箇珥瑜映蘭芝山中宰相花富貴百

年錦綸榮祿滋美疴何須下苦藥知命未必煩庸鑿
解尸飛升非自然乘化歸盡是樂天浮雲無蒂不悲
舊悲舊獨自涕漣漣磻溪故宅比鄰東我髮鬢鬢初
見公始製五言書八法一聞高論如登龍闕西夫子
傳新蹄汝南朝評有古風巨源藻鑑物不遺季主著
筭吾誰欺通來景仰四十年不見如痂見則夷見則
夷苦今不見古巷無人秋草徧招招西望青雲空日
暮臨歧迷所從生晚感古惟我在公歸試問菊山翁

和柳僉使

明杓

寄示韻

陳雷共見當時稱欲寄情書病未能上苑秋驚雲外

鴈西窓夜剪雨中燈何緣沁府後營將遠慰金門一
老丞十載青袍戀吾在不分我馬與君登

其二

吾愛令公氣岸軒馮凌大叫視瞻尊滑稽帝子流漿
酒快活鵬拳蹙鵠鷗斗膽困躄身反小寸忱傾向死
何論校文分夜窮鯁伏見事生風渴驥奔羶主久專
監印所帝威曾假茂松屯青年惠甬如騎竹白眼看
他即批根尚友更生藜共熱騁談景略蟲常捫橐籥
可是新蟬蛻刀筆頻驚舊夢魂長綬去時垂若若層
壙倚處遠言言貌貅七色列超拒鴈鷺六房行躡跟

緹蒯士皆斬首劒削竿城有受降幡
鞞鈴粗解圖兵將獄訟曾窺錄洗冤
經咒龍王臨鱷水詩招牛鬼寄錫原
眼空吳楚東南盡眇盪滄溟八九吞
滿篋結繩要係頸當牙吹角勝聽堦
書來每恨雲山別神往那成石路痕
府裏沈沈誰羨涉烟中跼跼或歎援
露瓜休恐先秋熟毒瘴宜愁未夕昏
已擬卜居金穴谷不勞願入玉闕門
欲知衰病今何似數對婆婆老漆園

夜坐

薄寒堪夜坐明月照人遲
偶咏非閑意幽懷欲待誰
遠砧時一聞高樹靜如思
砌菊清香動簾間祇自知

省中秋晚

流光均有序秋思益無聊
社少遺妻肉官稀飲吏醪
斜暉無定照高葉不勝搖
松竹空庭晚題詩近楚騷

華城

歲月經營大樓臺指顧成
聖心茲報本神策不緣
兵雲斷蒼梧野天空白帝城
耕鑿遺民在相看欲吞
聲

夜鼓華城

官路有常程夜中鼓華城
鳴笳臨店送候火過橋迎
却避蒼巖出深窺白道橫
不知村遠近軋軋聞春聲

次壽谷夜宴韻

戊午

歌笛悠揚霜月圓
南營舊會此重看
克時童是舜時
老擊壤衢謠一掬歡

敬和舊僚劉丈示韻

癸亥

浮榮堪歎蜷蛄春
歸卧蓬廬一老身
貴賤已知廷尉
客月朝兼謝汝南
人檐前白日棋隨手
窓下清風酒入唇
安得從容陪杖屨
趣衙當直動經旬

又呈二絕句以罄餘懷

養得青霞氣
昂藏自謂奇
一為塵網物
顏髮苦低垂
清塵阻絕五經春
世事如雲逐日新
靈檣于今憔悴

甚應緣思見舊吟人

丈人在院時共賦老
檜歎故下句及之

果州即事

長把帶犢燒畬去黃帽搖舸獨鯉迴江雨江風冷颭
颭南充寒食未花開

途中寒食

驅馬南州帳獨行西原上墓憶諸兄
薜蘿不是無情物客路先從愁處生

肆觀坪口占

麥田高下繞宮堧野店清明欲斷烟堤柳無人攀折
得風梳霧濯白年年

遲遲峴

峴首高臺春草霏 先王於此駐鸞旗
雲山南望情何極 野水東流去不歸
孺慕曾無千乘樂 神籌今作萬年期
凝旒幾度霑龍袞 寢廟留瞻月出衣

朝起

微雨泱泱曉不知 隔窓禽語起眠遲
夜來春色誰偷得 輕綠先歸老柳枝

其二

朱跗綠莢色色裁 都被前宵一雨催
最愛辛夷相稱意 青苔地上數枝開

松石園共賦

來遲非滯兩佳處為閑行澗水無人道
叢春散鳥聲
門深雲擁石峯迴對浮城憐爾清羸疾看花亦忘情
喜洪來瑞遠過書示情事

晏興忘鹽櫛不意見經過好客無騶騎
貧家有杏花
茅茨便座少樊圃立時多待到開缸面重來醉若何
西臺賞春

陌上醉看芳對春光無賴白頭新莫須催起花間
卧明日遊遨屬別人

重過松石園與張元一林子道金宗浩盧惠卿

呼韻

春山柔臚欲成陰
翠壁雲門一倍深
溪遠禽聲迷草色
路高人影出花林
醉題青竹何年事
坐對寒松此日心
白首豈為沂上興
憐君衰病故相尋

其二

問徑非無客
尋花不盡溪
庖厨過林遠
籬落帶巖低
吏隱慙方朔
山居憶子西
雲霞松路永
還恐去時迷

弼雲臺晚眺

西登弼雲峯
北望華山道
縱覽若飲醇
久之方覺好
緋桃遠可見
黃鸝鳴何早
羣綠覆萬井
西川明如縞

落日下大堤餘光暮芳草漸於視聽靜幸無提攜惱
去留情不怯獨來足幽討

燈夕過蒼谷

高林斜月霽餘輝上路行歌聞漸稀
隔封殘燈餘數點誰家尚待醉人歸

和劉丈人燈夕觀燈聽鍾

烟郭戎戎欲放燈虹橋來倚若仙登華鯨初吼千家
月寶燄遙傳七祖僧醉面相逢金勒馬清襟獨照玉
壺冰誰憐西院松筠夕負手吟哦一老丞

李提學相公將赴燕閣學士餞飲北營有詩敬

次其韻仍呈行軒

漢宮今半從賓客當鶴俸煤山天欲荒清河誰復頌
真人不再起傾泉久已壅餘民轉溝壑艱食掘遂葑
事葛痛則那飲水苦所共尚書早登龍射策如發鰲
立幟騷壇聳從壁觀者恐可但鳥獸識直為絺繡用
聖簡屬專對物議無譁訟毛詩賦使才麟經尊王統
義嚴斧鉞飾詞斲雲錦綜清秋啓行征羣彥出餞供
彭彭動驂駟蕭蕭吹巾幘贈劍心不平請纓事堪誦
有時詩既曹無處禮徵宋過殷悲離黍適越疑縮縫
望絕朝宗海顧慙會同灘古月風轉狂醉天氣常霄

八旗驢非驢百年種易種淒涼鳳不至踽踽豕已縱
烹魚頤既鬻敝冠忍直鞵鬱伊塵化緇凌兢冰脫襪
見驚玉貌魯羞此織皮雍微忱兼曠懷臨風訴鄭重

其二

征車秋偈偈首路入燕雲弔古金臺客觀周石鼓文
尾箕天四蓋遼薊野中分扶輿非無志其如老白紵

同諸僚遊清幽菴

積翠中天近孤巔一杖容浮雲千萬里落日有無峯
寺廢迷灰劫壇高訝牒封延翁歌詠地惟記舊攀松
同池文哉千君善林子道盧惠卿王步庚携兒

輩遊洗劍亭呼韻

老興今朝熟孤亭暑氣微萬株雲木內盡日石泉飛
澆水臨溪飯乘涼卧石衣何如童子歲風詠舞雩歸
續遊棲碧亭

嘗聞青囊訣朝醺傷年壽人生惡早世亦未能視久
歡叫暫時娛良勝老塵垢所以涉幽園一醉窮卯酉
魏我詩方就莫訴尊無酒

其二

吳翁所種楓過於吳翁壽蕭寒翳秋陰宴坐紆情久
錦石耿朝光幽竹無塵垢屋西通山徑思欲搜二酉
傷池餌秋花姑且傳杯酒

和諸僚田家秋事

邱氓等遊鹿愛食心弗貳不有耒鋤苦胡獲登穰利
嚴霜昨夜下篝車日委積機杼任中婦索絢于汝季
老夫那無為出門應租吏刈秫幸及時社釀獨可脩
殺鷄亦有限來春當伏字鳴缶脚田祖餘殮諸父醉
躑躑舞相顧此意良無偽芸芸各馮生農知農家事

又和新涼

一氣從秋至蕭然萬木涼碧雲遺暑濕空宇靚晴光
院落經新雨郊墟近夕陽晚蟬流響急高竹帶陰蒼
軟葛生衣淨斑桃細簾香爽應蘇病肺清欲滌煩腸

尊瞻秋懷遠樵漁歲計長短榮明照壁心戀讀書牀

又和聽琴

松宇含夕澄華月盈前
祀敞軒留上客靜聽奏綠綺
一彈百蟲絕再彈庭鶴止
三彈未終曲流響散空囊
秋岑夜迢迢空雲靜不起
但聞幽篠間瑟汨風湍駛
問客何能衆志在山與水
此曲尚前修非為悅俗耳
沈吟得其人奈余非鍾子
冲情欲依歸慎勿變清徽

又和春草

雪泥融地濕鈎乙暗生春
賁若均施德藹如隨感仁
寸心舍日過一色偃風新
池靜頻牽夢庭深却任真

披簾行弄笛，援藹坐當茵。
野迳呦呦鹿，江潭脉脉人。
天涯青極目，湖外碧傷神。
白馬邵陵暮，難禁舊興因。

又和簾紋

漾為輕白，蹙為青影。
透斜陽，落一庭，自是迷離，
看不定。莫言春睡未全醒。

又和枕池

豎邪苔甃，碧重重，半畝虛明。
靚水容，豈向連漪看洗。
馬會逢雲雨，候飛龍。
天寒翠羽來，窺鏡夜靜，
潛鱗出聽鍾。故偏清溝開小，
閒涓涓，應得海朝宗。

又和冷韻

屋漏床床擁布衾白頭卧歎秋宵永玉階羅襪思淒淒
淒銀燭畫屏光焯焯御史臺中趁早衙姪娥殿裡栖
孤影世間炙手幾多人獨有朝陽姓稱冷

又和亦各言其志

家世為良吏清醇長子孫時暑供豆享月俸足盤飧
未老成婚嫁將休守墓原芬華非耐久感激少游言

院中盆荷聯句

比隣六君子馨德齊如鷄破端合植仙府不教移巷

閭

朴德

釵盆縈紫蘚環砌落圓蟾

金士

異種宜從華

高標愛自漁

鄭衍

閭萍初脉脉出水却巖巖

盧惠

林

七挿金鉢翠翹歌彩奩劉士曉星分落落晴旭吐漸

漸林子綽約窺書幌娉婷近畫簷衍洛神留寶襪謝

她剪輕縑初文弁轉頭頭魚簪抽箇箇執朴士鬆黃俄

散綬卷碧或橫鎌初文離立鸞幢簇孤寡鵲嘴尖德詩

筐箋半擘硯沼筆斜拈壯翠蓋傾殘照明珠碎細靈

池文飲霞瓊蓋側濯霧月鈎纖壯交首香腮暈褰裙

素手摻壯流香猊麝孕斑點受猩涎邇蛇頰潮初上

冰肌而未沾德羽翽風裊裊銅掌露厭厭貞士影蘸魚

相戲粧成鳥欲覘執士雲消留壁女錦褪夢江淹惠國

色風流最天然物議僉壯輕盈潘氏徠紅綠鄰家籤

惠卿塵垢何曾汙淤泥詎教黏夫心虛同竹節鬢曲愧

松髯金宗骨與蔓枝伍終看華實兼德牽絲登織杼

題葉代鉛槧崔而象鼻宜供飲龜巢擬問占文吹涼

搖扇簾障日東隅噉惠卿尺土根堪托驕陽意自恬劉讓

之欄圍同井甃莎長視汀蕪道子數應文昌位光翻武

庫銛執絳知歸院燭青見揭邨帘初文舍態臨寒鏡弄

嬌隔晚簾讓霞光濃似醉霜氣薄還嫌健而灑落容姿

潔禎祥爵秩添執官梅應笑遜籬菊豈專潛道特地

呈奇妙羣芳見退謙讓凝情空好立巧笑動觀瞻宗浩

素質淨無染清儀頑欲廉文錯驚西子豔羞較六郎

檢宗有意憐頭並無言惜口鉗文哉開何須羯鼓哀宣

比無鹽

健而

皎若爭芳艷望之覺正嚴壯採來裳可製

釀得酒偏甜

健而

粉漬延朝爽衣輕辟午炎夫衍夏錢銅

綴碧秋韻

健而

靨收黔

浩宗

每學玉墀步綠袍前後檐

讓之

富林道中次沈直閣韻以呈

四年九渡漢江濱應被篙師為戒顰斜避黃塵方麴
扇回遮烘日折風巾此行天地窮無日未死螻蟻敢
有身湖海如今難浪跡扁舟空羨濯纓人

乙兒受學於君善余携酒暢叙兼寓東脩之禮

董生昔隱遯門對清淮水子今城闕居乃在俊秀里
寄迹雖殊塗樂志同歸耳蒼石十餘卷有松亦相似
石貞而松介左右如瞽史府辟累不起見我方倒屣

其二

阿乙八九齡迅突如湍水分時異清混相去繆千里
愧余老冬烘不足與提耳真同屬夜生及恐或相似
托子期遠步非徒勤書史子如不踐言有如窓前屣
北漢西門道中

首路三川北迢迢見角山屢經清澗曲猶在綠蘿間
鶉鴒春穀苦茅茨晝影閑浮生鞋幾兩十載此重還

直夜雨中得夕字

官齋雨成滯悄然孤燈夕
鍾鼓遠相聞沈沈掩兩掖
寒淋滴梧井暗風吹槐栢
簾幕寂深更冉冉幽愁積
獨自耿不寐昨送秋溪客

其二

南風吹時雨翼翼竟晨夕
刈郡上農牒原野均膏澤
刈麥未云漂芸苗方始役
愧我食於人安知勤阡陌
三年居尸素但言歲豐樂

和子道韻

繞舍嚶嚶春鳥鳴晨興簾幕入新晴
獨憐老竹饒生

態叵耐殘花別緒情玉澗故人書斷絕松軒昨夜夢
分明何當秉燭林間宿共醉還能共解醒

和諸僚稷西春遊韻

聞說府中彥言尋稷下春護花行舍馬拂石坐迎人
陪杖龍門貴當筵玉對新自非修禊事聊與道相親

松石山房小集

妻兒三畝宅木石一窮儒白日衣冠廢青霞氣色敷
姓名常諱客文字獨容吾自有幽居癖誰云與世殊

松石園

晴罷林光改翻如見未曾澗回人屢渡臺迴鶴初登

細竹涼依石高松遠掛藤山朝應更好携酒倘還能

其二

山閣靜於寺窓間詩一篇藤陰生白晝石壁出青天
犬犬傳書日松高撫頂年北郭簪纓地清貧覺汝賢

其三

林深朱景礙窓揭遠山橫鼉掛巖藤食蛙吹水葉鳴
茅茨成小築松石識平生索隱非吾道終年在漢城

其四

小圃柴門內主人生計疎雨中稀問訊山色獨興居
賣杏何須市茹蔬不重魚飲泉非果腹但自益清虛

灑酒中

達性貴天真，澠冠亦有人。以茲方灑酒，猶可賀吾巾。
細葛纚纚淨，疎絰井井勻。挹來缸面熟，聽得雨聲新。
襞積多堪惡，團圓小欲嗔。倒持陂豕腹，徑着縮龜身。
蛆冒疑星弁，津沾化白綸。窮嫌煩老婦，穠妨乞諸鄰。
誰道醉濡首，直須香入唇。醜餘還突爾，無意辨疵醇。

松石園夜集

萬木秋陰靜，空山夕氣清。孤齋雲外宿，幽澗月中聲。
冠帶妨高卧，盃尊悟達生。藤蘿看漸曙，悵悵去時情。

直中次林子道韻

舊時東嶺雨溪路擁蓑衣只記某邱壑不知今是非
洞遠雲迎入林昏鶴送歸勝時那可再徒自說清機

和驟雨

萬木俱鳴葉長雷忽繞庭河翻捎地白雲急漏空青
野外方奔勢林間已斷聽霽來何所似天醉一朝醒

又和觀漲

雨歇南風五兩輕層皋晴望快懷生魚龍偃卧中洲
沒鷗鷺齊飛落照明百谷輸來終一色高江吞盡却
無聲渺然還有乘槎興極目天邊熨貼平

懷石

岱宗非一卷磊砢獨起羣嵌空含霜雪尋常曳霧雲
縫疑媧線合根是鬼鞭分羞與花綱等名從禹貢聞

中秋望月

生當中元月蓋云百回秋幼時不鮮愛老去易金愁
今吾體尚健頗喜清夜遊時天夕氣霽佇月東池頭
冰輪上宛轉清光浩難收水木洗涼露散作銀汞流
幽敞無定景照之皆澄澈詠月意不盡舞月行且休
試舉掌中盃向月聊相酬明年未遽老佳期與月謀

燈花

芳心愛看半開時喜事憑將數點知凍雪封松光獨

照暗風吹雨落還遲
蒸成丹菌元無葉濯出紅蕖自
一枝夜夜金英容易發笑他桃李隔年期

奚琴乞者

一曲靈山直一錢施
施來往市門前平生不識岐王
宅行乞長安六十年

其二

兒時見者老猶然
黃面青瞳不記年
曾過高門三易主
此翁依舊一鶉懸

陪閭學士

健陵奉審行過銅津口占

極目薰葭浦思長江
門石出水搖光哀
茹忽似清猿

叫未到三聲欲斷腸

道觀峴

沛里遺民髮欲絲
喬山雲栢已高枝
至今鳴咽皇橋水
猶勝人心漸忘悲

次朴僚大寺塔韻

削玉雕龍世所稀
中天白日放光輝
翻疑下底有龍戴
但見上頭無鳥飛
石帆東來真誕妄
雪山西望正依微
未妨昭代看雲物
莫遣千年待令威

遊湖南蘋向露梁

癸亥冬

晚渡爭如市寒江自不平斜陽臨浦盡疎雨過津晴
對老忠臣廟碑荒節士瑩客吟同落葉十月更秋聲

枕上口占

霜笳當枕發山縣曉開門殘眠還不著卧與僕夫言

馬上口占

野鶴立清晨微茫烟水際不隨老鷺飛時向寒空唳

其二

村高空裡見橋敗半邊行古堠無完字長亭不識名

素沙

連峯如劍入遙空馬首東來逐斷蓬野外黃雲埋殺

氣沙頭白日送悲風百年黎庶歸南畝三輔關防重
左馮山水漠然無戰伐恠禽驚數自西東

滌愁樓

官酒柔情欲解憂整時登眺驛南樓無端隴麥如春
草日暮青青喚客愁

天安途中

曠野荒無店荆榛晚色寒滿山風雨暗驅馬入天安

水碓

盈歌無失次倚仰不知休似與前山語時時見點頭

雙封山城

江上孤城壓古津門開江動碧鱗鱗汀沙烟白遙知
月浦柳霜黃却似春樓櫓尋常巢水鶴舟船來往稅
行人晉陽亦是為歸處聖祖當年此地巡

礪山途中

馬如乳狗僕夫蚩征道關心只自知魯縣度來唯有
酒公山過後欲無詩尋常驛路黃茅澤一半人家白
竹籬不妨霜陰連夜結恐看明月益悽其

全州

東南都會最繁華民物喧填競富奢沛里父兄依舊
老菴陵氣色至今佳門頭白榜刀圭肆巷口朱槿發

解家共道風光春更好
兩川烟柳鶴臺花

南中

山川南國異風土北人疑
野店因橋弭官程畧嶺期
叢祠依阜莢草市賣烏牌
郵飯稀滋味薑鬚獨解頤

其二

同雲還送兩宿霧不成霜
背屋簷簷碧樓田穰種黃
路人叅石佛村婦祝花郎
時問山川弭方言自未詳

年陽縣

山縣如蝸殼城在閭井背
僻宇斲人烟散置松楸內
暮投寒齋宿松燈清可愛
留與吏人語踈澹無容態

口誦夏商書衣不牛犢佩浹辰困鞍馬方茲失心痼
夜久獨就枕打窓葉聲碎

茂長

王母庾為姓華貫卽此方藹然顧穎意獨自心內長
未知阿那處乃是願初鄉不敢向地唾況見梓與桑

途中卽事

竹之生湖南無異路傍蓀大者充籬柵小者歸竈門
斬伐若所惡反見枝條繁洛中重此君百金求一根
貧家無資購願置寄所尊思欲虛車左載歸子與孫
物性固難齊莫為人所援安知泥中蟠不要中筍恩

茂長郡齋

海日無風雨，
泥塵山園十月菜花新。
窓前鳥語，
蘿蕪綠却似清明冷澹春。

靈光郡

路繞荒山遠悠悠，
向古城恠禽當馬起惡竹上隣生。
郡吏衣冠短村人井臼清，
離腸渾新盡寒郭又笳聲。

永豐途中

短景天涯遠，
他鄉海曲深。
行人看古堠，
瘦馬畏荒林。
峽雨無疎點，
湖雲少薄陰。
江南稀驛使，
梅發若為心。

綿城

海氣蒸成霧林光午未晞殷紅冬栢豔柔綠晚菰肥
峒客行搖筆村丁出裸衣縣城傳舊牋不信有寒威
務安途中

客路悠悠入瘴鄉綿州南下海壖長兩湖千里無佳
水十月中旬始薄霜野樹連天晴渺渺蠻烟抱島畫
蒼蒼長安北望何由見不是浮雲蔽日光

山途

崩沙枯枿屢迷蹤林僻兼無一鳥啼山下孤村知近
遠黃泥數處落牛蹄

青松驛

竹屋新泥卧簟便松厨進飯喚甘眠主人莫謝無兼
味已恨官羊蹙菜田

小葛嶺

坦途如達官山逕若禪師雖乏富貴相但覺眉目奇
犖确數里石依違寒澗湄東峯忽宕嶢突怒崖脚垂
陰岡為排擠西走頗委蛇雲嵐互歆歔良久升朝曦
天風散榭櫺楮綠紛相吹疎菊處幽深獨保高秋姿
下馬循紆曲故為經歷遲會心豈在久邇追欣慙時
千里苦吟望於茲留住詩

南川橋

水轉龍腰出人昇鶴背回未聞鞭石苦徒見濟川才
落日蒼茫盡長溪豁達來自非題柱客乘興蹙徘徊

客懷

浮生縱是如過客客裡不堪為客悲孤館聽鷄燈暗
後亂山驅馬雪晴時雲間只見長安日嶺上還吟蜀
道詩金橐歸來湏散盡此身贏得滿頭絲

李同知思龍挽

吏部傳家遠江鄉聞族清經過常飽德鄙吝自消萌
祖馬今晨別登龍異日榮百年耆舊盡汨沒愧餘生
同金致文千君善張元一共集金美卿園亭

詩成勝似得高官
江海何須較陸潘
千里萼蘊秋夢
遠一園松菊官情闌
民曹舊興雙尊滿
老尉悲歌尺
紉寒不有交懽
今夜罄蕭辰落木
作懷難

夜赴李而晦社席次陸龜蒙韻

展展研光管綠沈
青燈坐繞舊書林
芭蕉喻性觀空
寂蟋蟀牽愁語
淺深不有積霖煩
小札何緣表病動
長吟無教甫里詩
傳者添得江湖一段心

林子道慈聞晬筵

方士虛誇九轉丹
癡人願服一圭殘
宣如仁壽齊龜

鶴又有寧馨列桂蘭錦席瑠瑠章聊永日綠醅香麪好
禁寒共瞻寶婺臨萱室却笑黃冠拜石壇

沙斤坪

沙斤南路永駐馬故宮隈攀柳傷心翠看碑滿面苔
野荒秋景薄山遠暮雲催白首餘司戶曾陪玉輦
來

直夜次諸寮韻

月隱長廊靜蕭蕭風動枝層城聽漏遠寒院上燈遲
宣意在公夜歡言無事時觀書只自適不與燃藜期

其二

別院生寒早疎槐落凍枝爐深浮篆細燈靜褪花遲
高枕猶纖月殘眠定幾時卧聞孤鶴疾還似雪堂期
除夜得眠字

兒曹刺刺語燈前老我黝黝卧酒邊善惡已應天倚
燭三彭無事伺人眠

其二

傳神那得借龍眠寫出吾人面醜然遺與兒孫為鑑
戒慎無干祿到華顛



